

欽定剿平粵匪方略

欽定勦平粵匪方略卷一百九十五 戊午年

五月初二日丙子官文都興阿胡林翼奏言賊匪

踞守麻城正擬抽調九江援師四面圍勦乃援
兵未集而安慶六安太湖潛山英山霍山均有
人股賊匪分擾黃梅廣濟蘄州蘄水羅田等州
縣邊境以圖接應麻城之賊各路官軍往來堵
勦又有另股賊匪七八千人由皖而豫於四月

十三日繞入光山商城黃安三縣交界之舊飯
店間道疾馳十四日卽竄入黃安先是臣胡林
翼曾派補用同知直隸州知州何忠駿督帶信
後營平江右營共千人往黃安縣城尙未到防
賊已猝至其麻城兵力台圍尙嫌力弱黃安繼
失不能不先其所急李續宜卽於麻城各營內
調派副將趙克彰等帶兵二千五百人隨同舒

保馬隊二百名前往援應十六日馳抵黃安距城十里賊乘我初至營壘未定蠱擁來撲我軍屹立不動俟其偏近齊出擊之賊大敗斬擒二百餘名連日大雨溪漲陡發不能渡河二十日舒保令趙克彰等分三路進兵各以一哨至城下誘賊餘皆伏於山後舒保自率馬隊往來抄擊賊果分門大出突過田隴我軍鏖戰約兩時

伏兵盡出舒保親督馬隊由西而北抄擊之賊
大敗我軍追至城下乘勝踏毀賊壘五座斬擒
無算賊仍憑城死拒未能攻入查九江已復水
陸東下必先清北岸皖豫之賊乃無後慮且麻
城之賊尙未合圍黃安之賊更虞旁竄因檄飭
藩司李續賓將九江湖口等處派兵留防分營
上駐德安遏賊北竄之路李續賓自率各營於

四月二十二日取道黃陂會同舒保等兩路夾
攻俟黃安收復之後併力麻城再行分撥肅清
皖豫節節掃蕩直達安慶署黃安縣知縣林基
督帶團勇先期駐紮麻城邊界究屬疏於防範
應請

旨革職暫行留任責令留營效力補用同知直隸州知
州何忠駿救援亦屬稍遲應請

旨摘去頂戴仍飭督勇殺賊以觀後效奏入

上命軍機大臣傳諭官文胡林翼曰浙省軍情緊急諭令官文等將皖北一路事宜另籌派員接辦卽飭李續賓帶所部精兵赴浙本日據官文等奏麻城尙未合圍黃安又陷李續賓一軍現已取道黃陂會同舒保夾攻擬收復黃安後併力麻城再行分撥肅清皖豫惟浙省自處州失陷後賊勢日熾上游各府悉行

震動福興一軍專顧衢州周天受明安泰兩軍力扼
金華兵力尙覺單薄浙省軍情更屬緊迫著官文等
酌量情形通籌大局如黃安麻城楚省兵力足敷勦
辦仍遵前旨迅飭李續賓簡帶所部精兵馳赴浙江
以資援剿

上諭內閣曰皖省賊匪由河南光山等處竄入黃安李
續宜隨同舒保帶領兵勇前往援應賊衆叢擁來撲

官軍齊出奮擊賊衆大敗追至城下踏毀賊壘五座
斬擒無算著卽督飭將弁迅速進攻克復城池毋稍
遲緩著黃安縣知縣林基雖因帶勇駐守麻城邊界
不及赴援究屬疏於防範著卽革職暫行留任責令
留營效力候補同知直隸州知州何忠駿救援遲延
亦難辭咎著摘去頂戴仍飭帶勇勦賊以觀後效

初四日

戊寅

和春奏言前據安徽撫臣福濟請以

總兵鄭魁士與此間提鎮對調一員臣因飭派
提督德安前往廬州而福濟又欲將鄭魁士暫
留皖北會籌一切查福濟與鄭魁士平時本不
甚融洽今總統已接替有人在彼亦呼應不靈
難期得力此時金陵圍攻自城北之上元門至
西路之三汊河樂心寺江干止共長一百三四
十里大小營盤約一百三十餘座兵勇約四萬

有奇所資以分布濠牆督率將士者舊有總兵
四員以安泰周天培均已先後帶兵赴浙此時
僅有李若珠戴文英兩人其總兵王浚一員專
辦翼長營務事宜以及臨時帶隊策應萬一內
盜外援同時交作實屬不敷分督合無仰懇

天恩飭下福濟卽令鄭魁士前赴江南俾臣得收指臂
之助奏八

上命軍機大臣傳諭福濟曰據和春奏請飭鄭魁士迅
回江南軍營等語德安早已抵皖現在江南帶兵大
員明安泰等先後赴浙援勦帶兵乏員著鄭魁士卽
日馳赴江南軍營聽候調遣毋少遲延

和春又奏言金陵城外西南兩面我軍築牆掘
濠次第工竣與東北聯爲一氣該逆於四月十
三日自南路之雨花臺印子山土城頭及迤西

之鳳臺門安德門直達西北隅之沙洲圩等處
糾合悍黨萬餘分爲六股突出意欲填濠越牆
以圖大逞 臣張國樑派令各軍分路迎勦並親
督馬步往來策應更番疊進賊勢不支紛紛敗
退我軍長驅逐北追至城根始行收隊是役也
鏖戰五時之久斃賊不下千餘名又據李若珠
稟稱四月初七日探有賊匪數千自太平府竄

至慈湖銅井地方距我營四十里欲進窺山營
板橋等處正當西南要衝初八日經李若珠督
隊擊退查金陵首逆因守老巢負嵎恃固今大
兵合圍陸路接濟已斷惟江面寬闊消息仍通
臣又檄飭吳全美挑派得力師船八隻歸賴鎮
海管帶分泊江路可期嚴密近又探聞賊糧仍
舊照發或云僅可支至七月尙難深信所獲僞

文僅少油鹽雜物尚無缺糧之語惟大營水陸
合圍困鬪鋌走勢所必至節據城中密探又有
首逆於城內外挑選悍賊一萬二千名欲分四
門齊出攻突而上游援賊蠶屯日多尙在逡巡
不發意欲內外夾攻以圖大逞臣已嚴飭各營
晝夜慎防以期迅復堅城

和春又奏言前准浙江撫臣晏端書咨三衢逆

匪竄八處州屢犯金嚴各屬意圖內竄請添派
勁旅前往助勦臣當與張國樑許乃釗相商又
在金陵大營抽派勇壯一千名揀委副將郭啟
舉管帶於四月十一日起程赴浙會勦統計赴
浙援兵先後共已撥去五千名奏入均報

初五日己卯者齡奏言吉郡逆匪自參將劉培元

水陸弁勇移紮水東與吉字定湘兩營戰船上
下梭巡賊之接濟已絕二月十五日至三月二
十七日賊屢向西北各營日夜衝撲幸各營牆
固濠深將士奮勇截擊未能踰越並斃其最悍
賊目李雅鳳一名殲斃逆黨尤多足寒羣賊之
膽現經湖南撫臣駱秉章添撥星勝藻字兩營
協守西岸參將遮克敦布一軍亦已自粵都回

紮東岸防守愈臻周密臣又將續鑄大礮一尊
解交曾國荃遮克敦布安置水東緊對小南門
及白鷺洲施放一面激勵各營士卒合力環攻
以期速下堅城聚殲羣醜奏八報

初六日

庚辰

德興阿翁同書翰殿華奏言皖匪自

蕪湖無爲含山與和州通連一氣屢據生擒賊

供逆情急欲馳救金陵必打通江浦始暢其南
北應援之路近日密探和州全滁之賊糾合捻
衆在大劉莊崔廟集一帶屯踞而七星塔等處
迤邐四十里內悉有賊營聯爲首尾臣德興阿
先令海全潛師哨探知竄賊離石磧橋八里蔣
家山口地方一夜紮營三座營內約有賊三四
千名四月二十四日經海全等分路緊攻匪徒

驚潰乘勝追殺斃賊一千餘名生擒二百餘名
立將賊壘三座踏平臣德興阿以西路羣賊結
壘必乘其根基未固立予勦除因約臣鞠殿華
合師併進二十五日督同諸軍由石磧橋進發
甫至青山寺口卽見賊壘重重沿山起伏約十
餘里當令營總富慶阿等各帶馬隊由山外小
路分馳南北伏於陳村石橋之間豫斷其敗竄

和州之路賊衆驚見我師不及列隊紛撲而來

臣德興阿臣翰殿華指揮諸軍奮銳進攻其時

各壘中裹脅難民與賊相鬪奪門爭出不擊自

亂加以大雨如注我軍奮勇疾呼賊衆踐踏狂

奔勢如瓦解臣德興阿復派富春等排隊於山

谿間盡斃其竄歸滁全之賊其奔往和州者適

富慶阿等伏兵張兩翼齊出賊不能逃殲戮幾

無遺類所有大劉莊崔廟集一帶賊營十三座
悉數平毀救出被擄難民約二千餘名斃賊六
七千名生擒賊九百二十名奪獲器械米糧無
數臣等自率師以來躬親數百戰斬獲之多未
有過於此者細揣賊情每於所踞兩城之間必
擇要紮營以助聲援兼闢竄路崔廟等集適界
和全南趨江浦經此次痛勦悉已膽寒不獨西

路可保無虞卽江南大股亦必聞風生懼不敢
圖竄江浦浦口一帶臣等益當速籌蕩寇以紓
宵旰之憂此次在事尤爲出力各員先行開列籲懇
天恩給予獎勵奏入

上諭內閣曰皖匪圖援金陵逆賊潛窺江浦糾合捻衆
在大劉莊崔廟集一帶蟻聚德興阿鞠殿華督兵進
擊踏平賊營十三座斃賊六七千名勦辦頗覺應手

著德興阿等乘此聲威激勵將士迅卽掃除滁州賊巢以靖逆氛而清江面其尤爲出力之副都統富春著交部議敘總兵安勇著賞給烏哩達勒圖巴圖魯名號總管忠額著賞給伊勒古木圖巴圖魯名號台斐音保著交軍機處記名以副都統用協領富慶阿著賞加副都統銜參將梁愷著賞加副將銜遊擊秦兆泰著以參將儘先卽補都司洪祿著以遊擊儘先

集三皇臣之冊卷二百二十三
二二
卽補守備傅璋著賞加都司銜並賞換花翎驍騎校
永祿著以防禦儘先卽補並賞換花翎其餘出力員
弁著德興阿等擇尤保奏

初九日

癸未

官文都興阿胡林翼奏言臣等接奉

諭旨飭李續賓迅赴浙江藩司本任自當欽遵辦理惟
近日楚省軍情與異日皖豫軍情思患豫防隱
憂方切有不敢不直陳於

聖主之前者麻城賊首陳玉城糾合皖省各路逆匪負
嶠自固多至二三萬人我軍以六千人扼其西
南而尙缺東北兩面必俟黃安收復厚集兵力
乃能併力圍剿其黃安另股賊匪不過七八千
人自黃安失而德安安陸襄陽各郡縣均已戒
嚴設有侵軼勢必乘虛北竄後患何可勝言李
續賓於九江克復後督率五營先行上援於四

月二十六日馳抵黃安城外竊計黃安之賊迅速撲滅必應以全力圍勦麻城如能使逆首聚殲於楚則不僅楚省之邊患可紓卽皖豫之兵機亦利儻圍未合而賊已敗走豫皖兩省兵力較單必應由楚分兵追勦以爲北路聲援臣等察看情形二三月之內必難分兵援浙此楚省近日之大概軍情也至皖省賊匪盤踞已閱六

年百姓流離困苦亟應早爲削平自六安克復賊勢已併趨上游英霍宿太等處警報疊至都興阿所領馬隊堪戰之士不足千名步軍如副將鮑超等驍勇有餘未能獨任況已調援麻城下游更形單弱必待李續賓合力進剿節節掃蕩乃可得力此又皖省軍務之大概情形也至浙江財賦重地關係東南大局其情形較重於

皖省而皖省控引江淮界連徐豫切近中原腹
地形勢尤關緊要賊在金陵此固其所必爭之
地臣等原與湖南各軍密約以湖南之力清江
西以湖北之力清安徽而湖北並協籌江西之
吉安又代防江西之湖口彭澤九江等處並兼
籌鄱湖彭玉麟等軍然後以全力注於皖北在
臣等援浙援皖事同一例本無此疆彼界之心

惟查李績賓一軍攻堅太久瘡痍滿目日前函
請另募新兵三千冀以彌縫其闕刻下分防九
江湖口小孤彭澤華陽等處共六千餘人調赴
麻城黃安黃州德安各路共一萬餘人若令將
所部全數赴浙則楚豫皖三省賊擾之處實形
空虛若另行添募勢非三月不能成軍千里赴
援本難剋期而至浙江軍情萬緊尤恐緩不應

急臣等再四思維惟有於金陵各營選擇名將如提督張國樑等酌派一員必可制此兇鋒且程途較近救援較速仍俟楚省軍務稍平察看緩急情形具奏臣等竊議各路之賊未盡則金陵之克復難期似宜先清各路之賊而後併力於金陵則兵勢較爲順手且賊之狡悍慣戰應以石達聞陳玉城爲尤著一趨浙江一趨湖北

察看情形尙無急援金陵之勢似應於金陵再行抽撥應援較爲直捷奏入

上命軍機大臣傳諭官文都興阿胡林翼曰前因浙江軍情緊急諭令官文等卽飭李續賓迅速赴浙茲據該大臣等奏稱李續賓於九江克復後督兵上援黃安俟賊匪撲滅再當圍剿麻城皖省賊勢已並趨英霍宿太等處應以都興阿李續賓節節掃蕩若令該

落司赴浙則楚豫皖三省空虛等語所奏自係實在
情形浙江處州被陷各隘均屬喫緊先後由和春等
派總兵周天受明安秦周天培等馳往援勦並令和
春督辦江浙兩省軍務前赴浙江統率諸軍該省兵
力已厚諒可無虞竄突李續賓現在黃安勦賊卽著
毋庸赴浙該大臣等以皖省形勢爲賊所必爭擬俟
各路肅清以全力注於皖北係通籌全局起見著官

文都興阿胡林翼卽相度機宜妥籌辦理

同日福興奏言臣本定於四月二十四日拔營起程並先期知會總兵饒廷選道員繆梓等豫派隊伍在浮石渡北岸駐紮以資扼守詎二十三日該逆冒雨直衝衢州東門外楚勇彪勇各營盤兵勇猝不及防致被撲入旋經饒廷選等督率在城兵勇前往應援當將各營奪回殺斃

賊匪無數臣在北岸聞信亦卽派果勝黃岡協和等營飛往接應該匪亦未敢再來衝突維時東路各營甫有此失該鎮道等再四挽留臣軍暫緩起程俾得修築舊壘以防賊衆乘虛來撲現在東路營盤業已修築完固合計該郡原有兵勇及由廣豐縣仙霞嶺等處調回各軍並臣酌留之二千六百人共有一萬一千餘名兵力

聞

已不爲單復經知會饒廷選等揀派數營迅赴
北岸接紮臣卽於二十六日親率一半兵勇二
千五百人回駐玉山督辦防勦奏入報

同日耆齡奏言四月十三日道員蕭啟江劉于
瀆與參將文端水陸分路進攻撫州府城大獲
勝仗十四日劉于瀆率水陸各營攻文昌橋殲

斃多賊逆衆往撲上頓渡復經蕭啟江文端督
隊擊敗十六至十八日劉于瀉蕭啟江等連次
出隊攻城斃多匪並將附城賊卡望樓概行
焚燬建昌之賊屢次來援均爲團勇截殺先是
臣查有臨川縣職員陳學淵之兄陳學海被擒
在城當令陳學淵密約陳學海設法內應解散
廣匪茲據探報二十日我軍水陸並攻廣匪內

應齊起裏外夾擊殺賊無數卽於是日未刻克復郡城餘匪逃往金谿許灣一帶現飭各軍統領將郡城布置略定卽行分勦東鄉金谿許灣各股匪先清外縣再與道員張運蘭等老湘營合圍建昌近日探聞浙江衢州之賊擾及處州賊勢旣已蔓延需兵自必益衆前次赴援之師恐尙不敷一俟建郡營壘築就察看兵力如可

分撥卽抽調一軍馳赴浙江助勦又饒州府爲
皖省逆匪入江要道近來東流建德之賊屢次
越境擄掠亟應添兵嚴防亦俟建昌圍定於江
軍內酌量派撥以固疆圉奏入

上諭曰俟查明詳細情形及酌保人員一併具奏

耆齡又奏言南豐之賊與建郡相倚角勢甚蔓
延四月初六日道員張運蘭督軍行近厚坪賊

匪五六百人出拒經我軍擊敗進據水南賊巢
破之斃賊三百餘人派兵分勦南源一帶復斃
賊三百餘人各股敗匪盡竄裏塔墟我軍進攻
賊衆四五千出拒我軍奮力衝殺又斃賊二百
餘人逆衆潰遁追斬甚多劉家坑等處之賊聞
風膽落奪船渡河我軍掩至賊多船少溺斃二
千數百人是日知府王開化派兵進勦下白沙

股匪賊衆二千餘人列陣以待我軍奮勇猛擊斃賊二三百人追至原源該處屯賊併力死拒復爲我軍擊敗王開化率親兵進勦源頭之賊該逆不虞官軍猝至急望謝坊奔竄我軍沿途追斬無算直搗謝坊焚斃殺斃賊二百餘人餘匪悉遁南豐是役往追百餘里破賊巢六十餘處殺賊二千餘人燒斃溺斃約三千人斬僞元

我廖雄篙僞指揮廖亞青等賊目十餘名生擒
一百三十餘名初七日正擬進攻南豐爲大雨
所阻而南豐之賊卽於初七初八兩日棄城逃
竄用木板搭筓渡河中流溺斃數百人張運蘭
等於初十日派王文瑞前往收復城池敗賊尙
在對岸憑河抗拒現在撫郡業已克復張運蘭
等一經撲滅豐邑境內餘匪卽可與撫郡各營

會圍建昌奏入報

初一日甲申王懿德慶端奏言政和踞匪負嵎死

守三月二十七日知府陳維漢等率帶兵勇進紮西門城內突出逆匪千餘蠡擁拒敵我軍開放槍礮斃匪七八十名匪退入城四月初二日陳維漢等各領兵勇仍赴西門一帶攻勦礮賊

數十名立將礮臺一座焚燬維時城匪三路出
撲復有另股匪徒奔突而來欲截我軍渡河之
路陳維漢等督率各軍分隊迎擊復斃賊四五
十名其占踞浦城一帶逆匪三次下竄圖攻建
甯郡城均經我軍併力擊退斃匪多名至竄擾
邵郡逆匪我軍於三月二十七日在龍斗地方
接仗獲勝旋因大股突由山路衝截以致我軍

首尾不能相顧趙印川練勇百餘名傷亡殆盡
軍民一時驚潰不得已退紮麻河地方再圖進
取四月初一初四等日在附近鐵羅巷及邵武
西南兩路連次攻勦獲勝擒斬土匪七十餘名
殲斃長髮賊四十餘名邵城賊勢稍蹙臣等現
飭臬司保泰迅卽激勵兵勇固守建甯郡城並
將政和等縣乘勝攻克署延建邵道趙印川等

糾集丁壯約計不下七八千人遊擊趙方荆等
軍業由建陽進發援剿已飭力扼要衝四面圍
攻恢復邵武光澤郡縣以免該匪四出滋擾至
邵武郡縣失陷該管地方文武均難辭咎相應
開列請

旨分別懲處邵武縣知縣朱汝讓光澤縣知縣張青筒
並其餘地方在事文武暨在防將領備弁俟查

明實在下落再行辦理奏入

上諭內閣曰逆匪竄踞政和經知府陳維漢等帶兵進

攻斃匪甚多其占踞浦城一帶逆匪圍攻建甯府城
復被我軍擊退竄擾邵武之匪並經趙印川等連次
勦勝擒斬土匪七十餘名殲斃長髮賊四十餘名著
王懿德等嚴飭各路將弁分別堵勦迅速克復郡縣
毋令蔓延至邵武府城被陷該管道府等防守不力

咎有應得署延建邵道趙印川著暫行革職仍留署
任責成將被陷各城剋期收復如再未能得力卽行
嚴叅代理邵武府事匡開益護理邵武營參將顧飛
熊邵武縣知縣朱汝讓光澤縣知縣張青筒著一併
革職匡開益顧飛熊二員均著留於邵武軍營差遣
以觀後效朱汝讓張青筒並其餘地方在事文武及
在防將領備弁均著俟查明下落分別辦理

王懿德又奏言江右廣豐逆匪竄擾浙省江山
縣城直撲衢郡勾結土匪連陷常山開化松陽
遂昌等縣復擾處州府城查該逆竄陷處郡不
惟溫州防務萬緊閩省福甯府係與溫州壤界
緊連萬一溫屬有警則福甯府防勦亦爲喫重
且溫處交界之梅花嶺係商販往來大道儘該
逆內竄過嶺則金華之永康武義東陽義烏及

紹興之諸暨處處可通情形豈堪設想先經臣
飭調黃巖兵五百名馳赴溫郡協防並飭溫處
道俞樹風親赴處州督辦一面勸諭各紳趕辦
團練以助兵力之不逮現在添調台州精兵五
百名派委得力員弁管帶馳赴桃花嶺扼紮要
衝以杜竄越惟刻下閩省邵武光澤浦城政和
松溪等處尙未克復臣一時旣未克親赴浙江

督勦尤慮建甯郡城寇氛環逼設或浙省徭處
逆匪被勦窮蹙由浦城竄撲建郡該處兵勇不
過四千名分布堵勦實形單薄應再咨商將軍

臣福興浙江撫臣晏端書於周天受江長貴明

安泰三員中酌派一員統帶勁旅三四千名取
道崇安會勦隨時互相策應實於軍務有裨奏
入報

聞

十一日酉乙晏端書奏言據饒廷選繆梓杏稟自

四月初七日後靈雨旬餘不能進兵二十三日
派隊進攻賊營頗有斬馘忽大雨如注祇得收
隊回城詎該逆旨兩回撲勢甚猛悍我軍東門
外營盤被賊衝毀復有悍賊數百直偏城下饒
廷選繆梓飛催在城兵勇復出接仗福興亦派

隊來援將賊擊退連夜修築營盤臣以衢州軍情緊要咨請福興暫緩回玉忽接福興來咨已於二十六日拔營起程殊出意外現在周天受正圖攻勦永康武義之賊力保下游勢不能舍金華而赴衢州該郡惟有鎮道督率諸軍計原防兵勇七千餘名廣豐調回兵勇一千二百名合之獨與留交周天受調遣兵勇二千六百名

兵數雖不爲單而得力之隊甚少該逆屢次暗
挖地道並圖乘夜撲城詭計多端實爲叵測現
聞李定太已於四月初十日在江西省城起程
來浙臣卽專弁馳往迎提速由饒州徽州繞道
赴衢一面函囑周天受相機策應並飛飭鎮道
固守待援備李定太日內卽到底無意外之虞
至龍游水陸要衝仍令朱承先等分紮堵守尙

爲嚴密金華自周天受到郡督率官兵紮營防守並派陶茂森等帶兵八百名前往樟樹潭駐紮調換蘇式敬侯元相二隊兵勇五百名至金華助勦又調回派赴宣平之陳大富等勇隊一千名派防壽昌之楊名聲勇隊五百名爲扼守永康武義之計乃各隊尙未到齊而賊已由縉雲竄入該二縣因之金華愈形喫緊並有由間

道窺伺諸暨之謠周天培一軍於二十五日始抵金華和春續派副將郭啟舉帶勇一千名亦已到浙臣卽令由諸暨取道前進茲接周天受來函距金華五十里茶塘嶺係通蘭溪湯溪金華之要隘現有賊匪紮卡擬令周天培督帶各隊前赴羅芳橋紮營趕緊擊退此股賊匪卽行察看情形或先攻武義或先攻永康務期廓清

二縣出勦縉雲仍扼桃花嶺險要以固金紹門
戶並派陳大富等駐紮東陽郭啟舉駐紮義烏
互相策應扼堵後路惟由武義至湯溪之蘭背
地方亦爲竄郡捷徑本調廣豐回衢之胡定國
一軍前往駐紮今福興之軍分去一半則衢營
勢難抽動卽當另籌派防以期周密衢城北路
之賊屢由杜澤上方竄至壽昌境內之長林大

同等處經派防之都司楊名聲於四月十二日
將賊擊退旋奉周天受調赴金華臣請秦如虎
督帶知縣梁鵬等前往接防協同原駐之嚴州
兵勇疊次擊賊獲勝賊衆潰遁刻下吳再升一
軍已到壽昌自當會同進剿淨掃賊氛開化之
賊近日閉城不出在華埠建造木城屯聚逆黨
屢次分股竄入徽境均經江長貴派隊分剿並

令地方團勇將賊擊退遂安境內尙無賊蹤現
留都司夏寶慶帶勇六百名會同民團防守署
臬司段光清仍駐嚴州隨時察看緩急請張芾
秦如虎就近移調策應現在賊勢自江常開至
處州數百里間聯絡不斷周天受力遏東路急
籌勦辦而兵力有限難以兼顧西路福興已回
玉山李定太尙未到浙衢州萬分喫重臣惟有

聞

會商周天受趕緊攻復永康等縣力保金華府
城並囑饒廷選繆梓固守衢州以待援師奏入
報

十二日

丙戌

耆齡奏言浙江爲完善省分關繫東

南大局廣信乃浙江鎖鑰欲保衛浙江先宜嚴
守信郡臣於該郡防務不敢不實力經營貴溪

則有道員李元度平江勇三千九百餘名弋陽
則有西安將軍福興兵勇三千二百餘名郡城
則有防城兵勇二千名一郡地方屯兵九千餘
名浙兵之駐紮玉山者尚不在此數雖省垣重
地南贛等要郡兵力均無如此之多迨安徽大
股逆匪救援吉臨各郡擊敗退回臣卽慮其竄
獵信郡震動浙江隨飛調彰武等營水陸二千

二百餘名馳往貴溪堵禦並飭催道員蕭啟江等進攻撫郡使賊不敢全力東趨嗣聞該逆已由弋陽港口一帶直犯河口鎮分擾鉛山廣豐二縣並准福興咨商酌調兵勇協勦臣卽添派祥字等營練勇一千二百八十名兼程前往並以李元度一軍尙稱能戰該員亦自請悉銳上援復調參將劉芳貴率寶勇一千二百名替守

貴溪又調長左等五營兵勇二千餘名會合平江勇共五千餘名交李元度統帶徑趨玉山與衢州鎮總兵饒廷選之師同赴廣豐迎頭力勦遏賊入浙之路旋因賊已擾及浙省江山縣饒廷選回守衢州福興亦率原帶馬步兵勇及臣前次調往之彰武等營李元度所部之平江老中營信防之協和等軍共五千餘名概赴衢郡

迨長左等營趕到玉山而常山已爲賊踞未能
前進卽隨同李元度駐紮玉邑籌攻常山嗣又
添調兆字營新衡勇一千名亦交李元度統帶
進剿並遵

諭旨調李定太一軍四千六百人前赴衢郡援應查江
西浙江兩省輔車相依自應協力維持共全大
局此時長左等營經李元度率領進紮草坪以

規常山李定太一軍計期可抵廣信或由常山
進攻或取道婺源繞赴衢州會勦臣亦已諄囑
該鎮相機前進以解衢圍而杜窺越並令於玉
山各軍內就近添調數營隨同勦辦以厚兵力
惟探聞處州失守賊勢蔓延江西諸軍此時分
投攻勦驟難再撥俟察看情形如稍可抽調卽
當再行分撥赴援不敢稍存膜視奏入報

聞

十五日己丑和春奏言臣接奉

諭旨命赴浙江督辦軍務臣維江浙本唇齒相依衝屬
之常山江山兩縣尤爲福建江西茶商往來要
道常山又係浙鹽赴江西要衝此兩路有阻餉
源因而梗塞亟宜趕緊廓清刻下衢州之賊又
已由處州而入金華連陷永康武義兩縣亦應

嚴遏內犯以免省垣震動乃臣自四月二十六日感受外邪吐瀉交作二十八日忽氣逆痰壅病勢甚危連日服藥雖略有轉機而精神委頓急切竟難就道寸衷焦灼莫可名言昨於奉到諭旨後已傳檄浙省聲明親統雄師即日前往督勦以作士氣而固民心昨見晏端書寄許乃劍函稱周天受定計俟兵力稍厚即先勦永康武義迨

出縉雲仍搃桃花嶺險隘以固金紹之防再行
迴軍三衢痛加勦洗似此布置先後緩急頗有
條理若李定太李續賓李元度各處援師到齊
共計不下一萬數千名兵力旣厚卽可照辦浙
東大局似有把握臣已函致周天受囑其酌量
情形便宜行事不可專候臣到有誤事機至金
陵圍勦事宜臣皆倚任張國樑一手經理此時

全局有張國樑督飭調度足資勦辦許乃釗又與和衷共濟下至將士莫不用命臣雖暫離亦可以放心惟臣此去不能不挑帶精銳以期迅掃妖氛又恐兵力屢分未免過單而大營得力兵勇調往他處後陸續募補新勇八千餘人皆係未經戰陣刻下又須添募以填空營若外援內寇同時交作深爲可慮卽金陵得力鎮將調出

亦已不少 臣現在又須酌帶各員此間更覺乏
人查總兵鄭魁士本與提臣德安對調今德安
已抵廬營應請

旨飭令鄭魁士迅速前來以資臂助 臣現在上緊醫治
一俟精力稍可支持卽當起程赴浙以期仰副
聖主委任重權之至意奏入

上命軍機大臣傳諭和春張國樑許乃釗曰浙江軍務

緊要亟需和春前往督辦惟據奏現在患病急切竟難就道自應安心調理一俟病痊卽馳赴浙江妥爲調度該大臣現已傳檄浙江卽日前往督剿有此先聲賊勢或可稍戢周天受擬先勦永康武義追出縉雲仍扼桃花嶺險隘以固金紹之防布置尙爲妥協著卽督飭該總兵迅速籌辦李續賓現因黃安麻城告警未能赴浙李定太李元度兩軍由江西進剿卽

可與周天受聲勢聯絡爲兩路夾攻之計該大臣病
痊赴浙時金陵圍勦事宜卽交張國樑一手經理迅
圖克復江南大營兵勇多調往他處現募新勇八千
餘人未經戰陣恐糜餉無益兼恐有來歷不明之人
溷迹其中務須慎加查察鄭魁士前已諭福濟等令
其馳赴江南矣

和春又奏言金陵西路鳳臺安德各門附近山

密叢雜隄坎縱橫該逆倚爲藏身之固山是面
西爲板橋大道可以直達太平外援屬聚於此
係該逆第一出路一月以來旁撓暗襲悉注意
西南雖疊受創懲兇燄未嘗少息臣申儆各將
上嚴防濠壘以逸待勞五月初二日丑刻賊從
雨花臺印子山直至塞虹橋以北蠶屯蟻聚前
後銜接所有悍賊不下萬餘而大股尤萃於鳳

臺安德兩門攜帶填濠諸具分爲數股纒擁前
來守濠將弁均奉密令排列器械視賊已近先
以火包藥彈擲下後用槍礮轟擊斃賊不能數
計天色漸明遙見雨花臺迤西山梁又出大股
逆黨數千直撲撫威各營濠牆張國樑督同總
兵王浚等合力堵勦接仗約兩時許轟斃及淹
溺之賊不下數百人其勢少卻張國樑密飭遊

擊馬騰霄等酌帶精銳一千餘名疾速渡濠分途設伏一面派兵分三路抄擊伏兵繼起該逆首尾不能相顧我兵四面圍攻賊屍縱橫於道直抵雨花臺賊巢其安德門一路之賊經王浚等分投撲勦勢亦不支復從沙洲圩竄出悍匪數千前來援應我軍奮勇衝擊逆衆大潰紛紛奪路而遁是役也接仗六時之久殲匪四千餘

名營該逆撲我西南濠牆時別以悍賊數百潛往江邊壽德洲用船多載槍礮駛近雙牖口門以護其巢卽於是夜趕築賊營一座礮臺二座總兵李若珠聞報當飭遊擊賴鎮海等水陸會攻立將礮臺拆毀進逼賊營彼此槍礮相持未及炊許賴鎮海親督弁兵拋擲噴筒火箭焚燒營內蘆篷我兵蟻附而上當將逆壘踏平斃賊

甚多餘皆梟水逃逸查該逆困守金陵情急外
授明攻暗襲百計潰圍幸得將士齊心協力大
挫兇鋒該逆無所逞其伎倆惟因獸猶鬪不可
不先事嚴防臣惟當相度機宜隨時激勵三軍
迅圖克復

和春又奏言總兵傅振邦調赴徐州尙未據報
起程此時徐州情形較前稍緩而皖南得力兵

勇調往浙西至六千名之多刻值金陵外援賊
匪屬聚蕪湖太平一帶甯郡甚屬空虛傅振邦
既未起程欽遵

諭旨仍留甯國幫同鄧紹良督兵防堵以免疏虞奏入
均報

聞